

:שש

De

# FACIEI PROMONTORIO, ODORATVS ORGANO,

MODERATORE

VIR O

NOBILISSIMO, EXCELLENTISSIMO

atq; EXPERIENTISSIMO

DN. JOH. MAVRICIO HOFFMANNO,

PHIL. ET MED. D. ANAT. ET CHEM. PROF. PVBL.

CELEBERRIMO,

ORD. MED. P.T. DECANO SPECTATISSIMO,

DN. PATRONO, FAVTORE, &amp; PRÆCEPTORE

ETATEM DEVENERANDO,

DISPVTABIT

ad d. 4. Martii

A. O. R.

M. DC. LXXXII.

AVTOR

MICH. FRIED. Lochner/ Norico-Fürthensis.

ALTDORFI,

Literis HENRICI MEYER, Vniversit. Typogr.

**DEO**  
**PATRIÆ**  
**ET**  
**PARENTI.**



B. L. S.

**N**ter tam fertilia scribendi tempora, sterilis quoq; Ingenii mei foetus de Naso prodit. Longè dubius hæsi, quodnam ex uberrimâ Medicinæ segete argumentum depromerem, & sæpius iratus ex Museo discessi, quòd tanta rerum copia inopiam mihi pareret. Tandem Nasus sese obtulit, atq; ut organum odoratus sisterem & autor exstitit & suasor. Factum est, uti vides, B. L. quomodo? tuo iudicio relinquo. Si quædam erunt, quæ virgulam merentur censoriam, condona quæso &

— — — si quid novisti rectius istis  
Candidus imperti;

Si quædam placent

— — — — — his utere mecum.

Recessi aliquando à Magnorum Autorum hypotthesi, ne quæso sinistrè interpretare, mens mea mentem Senecæ sapit:

AVTORITATI ASSENTIOR NON SERVIO.

Velut verba Archimedis Nostri Excellentissimi DN. STVR-  
MII, Fautoris & Præceptoris æternum devenerandi, qui-  
bus Disp. de Autorit. Interpr. Natur. obsignavit, mea fa-  
ciam: Venerandus PLATO, Amplectendus ARISTOTE-  
LES, Audiendus EPICVRVS, Honorandus cum DEMO-  
CRITO GASSENDVS, Æstimandus CARTESIUS, (liceat ad-  
dere) Magnificiendus COVS & PERGAMENVVS, Tollendus  
PARACELSVS, Amici cæteri, sed

Ἡ ὁσιαν περιμᾶν τῇ ἀλήθειᾳ.

Magis veneranda magis amica Veritas.



*Sive ut alibi effert : SIT SVA CVIQUE AVTORITAS, SED VERITATI TRIUMPHVS. Et hæc quidem monere prius volui; nunc summo ante omnia in auxilium piis vocibus sollicitato Numine, ipsam Translationem aggredior. Fave cœptis Sacra TRIAS, ut hoc cœpto finito exclamare possim :*

Gloria sit Patri, Filio sit gloria, sancto  
Gloria Spiritui, TRIADI sit gloria! DIXI.

## CAPVT PRIMVM.

### *Continens Philologica de Naso.*

#### §. I.

**E**N Nasutule de Naso ordior ! An prima hic cunabula ex Latio hauserit ? an verbum Nare, (a) an verò gnaritatem (b) matrem agnoscat, ex cuius casto utero prodierit lepida hæc proles ? Critici decerent, mihi perplacet Medicorum ingredi Vireta.

#### §. II.

Neq; ibi spectabo rosaria & violaria, quæ si olfacies

- - - - - DEOS rogabis

*Totum ut te faciant Fabulle Nasum. (c)*

Sed Solem intuebor Microcosmicum (d) Nasum scilicet, non Animi sedem, (e) sed odoratus organon.

#### §. III. Ne-

(a) Perotrus in cornucopia p. 13. (b) Quod Donato placuit & Festo. (c) Ut Catullus loquitur Carm. 13. (d) Diemerbrokio Anat. l. 3. c. 19. vocatur Sol, quod sicuti Sol Macrocosmo lumine suo singularem splendorem ac pulchritudinem confert; ita Nasus pulchritudine sua Microcosmum quasi illustrare videatur. (e) Hanc Judæorum sententiam refert Excellentiss. Dn. D. Wagenseilius, Fautor & Præceptor honorandus in Sota, ex Excerpt. Gemar, c. 9. Excerpt. 1. verba sunt: *Passim receptæ opinioni suffragari potest, in naribus eam (sc. Animæ sedem) esse &c.* pag. 1018. hac opinione fortè ducti Judæi statuunt, quod in fœtus ex utero exitione, subter nares percutiatur ab Angelo fœtus & Lumen in Capite extinguatur. Vid. Excerpt. Gemar. cap. 1. Annot. 19. ubi producit Judæorum de fœtus formatione opinionem. Hincq; putabant etiam sternutando animam egredi per nares, Vid. Schookium de Sternut. cap. 30.



§. III.

Neq; attingam Jctorum controversias de odoratu præfertim in causis matrimonialibus, ubi odoris effectus attenditur; si enim Sponsus vel Sponsa gravi anhelitus vitio laboraverit, repudium ex hoc capite concedi poterit. Vid. *Dn. Meruius*, (a) citante *Cl. Strykio*. (b)

§. IV.

Neq; falcem immittam Historicæ & Physiognomicæ messi, (quamvis hanc ultimam summè Medico necessariam judicet *Helvetius*) (c) enarraturus: quod ab orientis parte intimâ homines sine naribus repertu dentur, teste *Lycosthene*; (d) quod Ozelæ populi indigenæ Locri secundum totum foetuerint; quod Lemniæ mulieres hircum oluerint, ita ut viri earum congressum fugerent; (e) quod apud Ægyptios adulteris nasus abscissus fuerit; (f) quod Æthiopum quidam Rex delinquentibus nasum amputare jusserit, ut eam oris turpitudinem veriti, circumspectius à criminibus abstinerent; quod Persarum Rex, cum civili tumultu, foedo esset convitio jactatus, adeo exarserit, ut totius populi nares abscindi curaverit; (g) quod Nafones in summo honoris fastigio fuerint apud Persas, imò quod alius nullus evectus fuerit ad regiam dignitatem, (h) quod propter Cyrum Nasonem factum esse prodiderit *Plutarchus*; (i) quod Helena habuerit fursum inflexas nares, sed quæ à Socraticis quamplurimum recederent; quod Heliogabalus non alios ad suam libidinem exercendam elegerit quàm nasutos, ratus eos fore ad Veneris negotia & promptiores,

A 3

& ala-

(a) Part. 4. Decis. 43. n. 8. (b) De sensuum Jure Dissert. V. de Olfactu. cap. 2. §. 10. (c) Diribitor. Med. c. 1. (d) de prodigiis & ostentis. p. 13. (e) Mercurialis lib. de Decoratione cap. 30. (f) Alexander ab Alexandro Genial. Dierum l. 4. c. 1. (g) Idem l. 3. c. 5. (h) Riolanus anthrop. l. 4. c. 6. (i) in Apophtegmatibus.



& alacriores, (a) cujus rationem reddit *Claramontius*, (b) hujus verò verba videantur: nolo enim iisdem, merâ cæteroquin conjecturâ suffultis huc appositis castis legentium oculis molestiam dare. Absint ex *Dissertatione* mea monstra cum proboscide, de quo *Lycosthenes*; (c) sine naribus illud *Daphnoideum*, ore tamen gemino, dentibus cum binis, & barba, quatuor oculis; (d) Puellula *Haslica* sine naribus & auribus; (e) *Basileensis* Infans *Paschalis* scissis ac apertis naribus, ut inde ejus cerebrum facile sit suspectum; (f) *Xyphili* nasus, quippe cui caput erat instar dolii; (g) Janus ille *Leporinus*, propè *Ulmam* aliquando captus duplicem faciem & Nasum habens. (h) Sed hæc monstra recedant, abeamus, antequam *Hippocentauri*, *Chimeræ*, *Vulpanferes*, *Hircocervi*, aliaque monstra nos incurrant. Fugiant ex his pagellis diaboli incarnati, qui sæpe admirandæ magnitudinis nasis, visui humano occurrere; qualem quoq; se vidisse inter coenandum retulit *VIR Magnus, Summe Reverendus, & Excellentissimus DN. D. JOHANNES SAVBERTVS, Patronus, Fautor, & Hospes ad cupressum de venerandus*, qui fere in vicinis abhinc oris, ex almâ *Julia* huc tendens, talem in diversorio servi munera obeuntem, cum naso *Gallopavi-formi* vidit. (i) Ceterum observavi quoq; meis oculis, cum

per

(a) *Riolanus* loc. modo cit. (b) de conjectandis cujusq; moribus & latitantibus animi affectibus l. 6. c. 12. (c) de prodig. & ostent. p. 317. (d) Idem An. 308. p. 272. (e) *Lycosthenes* de prodig. & ostent. An. 1530. (f) Idem An. 1556. (g) *Athanas. Kircher. Mund. subterr. l. 8. sect. 2. Disquisit. 1.* (h) *Nommel Discurs. Phys. Med. ad Christ. Weikmannum &c. de foetibus Leporinis extra uterum repertis pag. 6.* (i) Es war in dem ganzen Hauß niemand als dieser Kerl anzutreffen / welcher ihnen an die Hand gieng / und hatte eine Nase / wie ein Talcutscher Hahn / welche er herunter fallen und aufziehen kunte. Bey der Abreise / da ihm das Zehrgeld gereicht wurde / befunde man / daß seine Hände ganz kalt / gleich eines Todten / welches dann bey solchen Teufels Menschen gemein zuseyn pflaget / welches auch bezeugt *Remigius* in seiner *Dæmonologia*.



per Belgium iter facerem, Harlingæ nautam, cui Nasi magnitudo os clauferat, ut eo ad edendum & bibendum vix uti poterat. (a) Admirandæ pariter magnitudinis nasus fuit Procli, de quo lepidissimum Epigramma *Amiani* in Anthologia occurrit. (b)

οὐ διείσεται τῇ χειρὶ Πρόκλῳ πλὴν ῥὶν' ἀπομύσσειν,

τῆς ῥινὸς γὰρ ἔχει πλὴν χέρα μικροτέρῳ.

οὐδὲ λέγει, Ζεῦ σῶσον, εἰν' πλεῖν· ἔ γὰρ ἀκέραι

τῆς ῥινὸς πολὺ γὰρ τῆς ἀκοῆς ἀπέχει.

Quod sic Latinum faciebat *Henrici Stephani*.

*Haut manibus Proclus potis est emungere Nasum,*

*Nam Procli Nasus longior est manibus.*

*In vocat hautq; Jo-venem, cū sternuit, auribus istum*

*Tam procul à Naso non capit ille sonum.*

Neq; litem de magnitudine Nasi movebo, an eam rectè determinaverit *Ficinus*? (c) Nasos tres in longum dispositos Vultus unius implere longitudinem; an verò *Meyn*? (d) referens: Es muß die Nase mit den Mund in die Länge und Breite übereinkommen. Quæ omnia elegantissime rimatus est *VIR Excellentissimus atq; Experientissimus JOHANNES JACOBVS DÆBELIVS, Phil. & Med. bujusq; P. P.* & dum in alma Rosarum degerem Fautor & Præceptor ætatē colendus. (e) Neq; quæstiones urgebo, an Virilitatis signum sit Promontorium bonæ spei seu nasus prægrandis? (f) An nasus talis mentis denotet acumen?

a) Er konnte nicht trinccken noch essen / er musste dann zuvor mit der linken Hand die Nase wegthun / und mit der rechten den Getranck und Essen hinein schieben. (b) Schookius de Sternut. c. 35. (c) Comment. in lib. Platonis de Amore. (d) Physiogn. Med. c. 3. addit. hæc verba: Welches der Höhe des Mundes halben also zu verstehen / daß wann der Nasen Maas mit dem Zirkel genommen wird/in den Mund ohne dessen Zwingung kan gesetzt werden. (e) in Lect. Publ. de Corpore proportionato. (f) Riol. Anthrop. l. 4. c. 6.



men? (a) an nares apertæ depingant iracundum? (b) de quo *Virgilius*. (c)

*Collectisq; premens volvit sub naribus ignem.*  
quod imitatus est *Silius Italicus*: (d)

*Prima in cornipedis sedit spirantibus ignem*  
*Naribus hasta volans.*

Qui ejusmodi quæstiones desiderat Virorū scholas adeat, qui ex professo eas tractarunt. Omnia in unum de Nasi formis redegit Lauriger *Barleus*.

*Cæsar gibbosum, Cynicus me ostentat aduncum,*  
*Et Vates de me nomina grandis habet.*

*Hæc qui parte valent credam magis esse sagaces,*  
*Emundum quisquis me volet esse sapit.*

Nunc rivos Philologicos claudio, sat prata disputationis meæ ex istis biberunt. Interea quisquis hujus generis curiosa legere amat prolixè ventilata, citatos adeat Autores, aliosq; qui multam iisdem impenderunt industriam.

(a) Claramont. l. 6. c. 12. & Schookius de Sternutat. c. 35. (b) Claramont. l. c. (c) l. 3. Georgic. (d) l. 17. Punicorum.

## CAPVT SECVNDVM.

### *Nasi structura Carneo-Cartilagineo-Ossea.*

#### §. I.

**N**unc tumescentibus velis in altum Anatomicorum mare me confero, & quid de Nasi structura sentiant depromo. Ita vero definiunt Nasum: quòd sit corporis nostri pars organica, ex pluribus similaribus particulis coagmentata, cum propter alios usus, tum maxime ut genuinum odoratus organon existeret. (a) Partem esse nemo negaverit, cum ipse *Galenus* (b) quando partem de-

finiit,

(a) Casser. Penchæst. l. 3. sect. I. c. 2. (b) de U. P. l. I. c. I. & Casp. Hofmannus in Comment. ad h. l.



finis, quod sit corpus neq; undiquaq; circumscriptio-  
nem habens, neq; undiquaq; cohærens, cum reliquis  
exempli loco afferat Nasum. Organicam esse non tam  
quod ex pluribus partibus componatur, quam quod  
functiones certas perficiat intelligimus. Vid. de istis *Ju-  
lius Casserius Placentinum.* (a)

§. II.

Sed ut ordine provehar nec incertis abripiar fluctibus  
attento circumspiciam oculo, quas tùm externas tùm  
internas nasi structura exhibeat componentes totum par-  
tes; eò tamen simul observato moderamine, nedum ta-  
libus perlustrandis medio in cursu vacare lubet, longius  
a portu aberrem.

§. III.

Primum igitur conspectum subit Nasi cutis, cujus  
accuratam descriptionem proposuit *Casserius*: (b) notans  
eam esse cæteris faciei partibus duriorē & tenuiorem,  
musculisq; adeò annexam, ut Anatomicorum manibus,  
in separando difficultatem insignem pariat; qualem *Bau-  
hinus*, (c) ex communi experientiæ decreto etiam statuit;  
huius verò rationem subjicit mox citatus *Casserius*, (d) ut  
artilaginum & muscutorum nasi tenuitati ac infirmitati  
in sursum trahendis alis succurreret: ita ut nunquam mu-  
culi immotâ cute agant, imo & ipsa quasi musculosa di-  
cenda videatur. Neque id silentio prætereundum puto,  
utem nasi dorsum cum primis investientem læsam no-  
abilem relinquere cicatricem. Vide alia plura de nasi  
ute notabilia in sæpe citato *Casserio*. (e) Cuti, tanquam  
membranæ exteriori, associo internam, quam sive cutem  
reflexam, ubi alas intus septumq; investit, sive duræma-

B

tris

(a) l. c. sect. 2. c. 1. (b) d. l. c. c. 3. (c) Anat. l. 3. c. 46. p. 456. & Glandorp. de Poly-  
pionarium cap. 1. (d) l. c. sect. 3. c. 5. (e) de Fabr. Nas. l. 3. sect. 3. c. 5.



tris sobolem in summitate & radice narium, aut utriusq; prolem in medio dixeris, parum refert, adeoq; ἀναμφότερον mihi videtur ἀνατομία *Casseri*, dum eam constituit triplicem; quamvis prudenter attenderit, illam quò magis ad Ethmoidei ossis penetralia affurrexerit, exquisitiori tactu gaudere; sed aliam, quam ipse assignaverat, ob rationem, scilicet, quia ibi nervulorum plurium intertextu fruitur.

#### §. IV.

Philosophorum creditus Phoenix *Aristoteles* (a) operculum quoddam insuper naso peculiare attribuit, non omnibus animantibus sed respirantibus tantum proprium, ita ut non nisi eo per aëris ingressum aperto, olfacere possint: de quo avidus Lector si velit, consulat nitidam quondam Noricæ hujus Smaragdum *Gasp. Hofmannum*, (b) ut & *Oelbasium*, (c) *Laurenbergium* (d) & *Sebizium*; (e) in hos verò multis objectionum catapultis detonant *Casseri* (f) & *Bravus*, (g) idque ne lynceis oculis repertu dari tradunt. Sed ignoscant mihi, si illis ab Excellentissimo DN. PRÆSIDE, Fautore & Præceptore observanter colendo, edoctus, demonstravero, in homine, (de quo Aristoteli primarius sermo,) ad narium radices tale quoddam operculum membranaceo-cartilagineum adesse, valvulæ nomine ob mobilitatem condignum, idque digitis etiam intrusis explorari posse; ut adeò frustra illud rationum telis impugnent, quod certa hic sensus noticia confirmat.

#### §. V.

Sequuntur muscoli, de quorum numero varia varii. *Casseri* in hominibus unicum latum per utrumq; nasum ex-

(a) 2. de Anim. text. 100. (b) Comment. in Galen. de U. P. §. 560. (c) Semin. Pestilenti disquisit. secund. c. 8. (d) Disp. de catarrhis th. 15. (e) Disp. Med. 22. §. 5. (f) l. 3. sect. 3. c. 6. (g) de saporum & odorum differentiis c. 15.



expansum promit, (a) invenisse setamen ait suo marte geminos musculos exiguos, tenues, myrtiformes, ortum trahentes à narium lacu, h.e. ossè superioris maxillæ, inde supra alas assurgentes, & tandem fibris transversis obliq; ad nasi pirulam sive mucronem vergentes tendinoso fine ibi cartilagini arctissimè adhærentes. A *Galeno* & *Columbo* gemini statuuntur, unicuiq; lateri unus. (b) Quatuor recenset *Laurentius*, (c) duos nempe constringentes, duosque dilatantes; Quinq; *Glandorpius*, (d) unum comunem & IV. proprios. Sex adducit *P. Barbette*, (e) duos depri- mentes, duos dilatantes, duos constringentes, additq; in Nasutis duos aperientes. Septem *Riolanus*, (f) dividitq; in unum communem & reliquos proprios; cui consentit quoad divisionem & numerum *Bauhinus*. (g) Octo sive quatuor paria *Spigelius*, (h) *Marchettis*, (i) *Lindenius*, (k) & *Isbrandus de Diemerbræck* enumerant, (l) cui postremo album calculus adderetutissimum videtur. Et prædictorū quidem musculorum ope voluntarius Nasi motus perficitur, dum par primum triangulare alas narium sursum versus foramen lacrymale attollendo diducit; secundum labio superiori commune, priori quoad usum respondet, dum versus propinquum maxillæ superioris os movet; tertium circapinnæ radicem exortum, ac supra alam versus ejusdem angulum excurrent, narium dilatationi quoq; inservire creditur, & quartum deniq; exile, nec nisi in Nasutis distinctè conspiciendum sub tunica narium parte interiore latens ab ossis Nasi extremitate ortum in alam expanditur eamq; adstringit. Plura de

his

B 2

(a) libr. 3. Sect. 1. c. 7. (b) Bauhinus Anat. l. 3. c. 64. in marginalibus. (c) lib. 2. defens. organ. (d) de polypo narium c. 1. p. 3. (e) Anat. Pract. l. 2. c. 1. (f) Anthropol. l. 5. c. 12. (g) Anat. l. 3. c. 64. (h) de humani Corporis Fabrica l. 4. c. 5. (i) Anat. c. 13. (k) Med. Physiol. l. 1. c. 12. Art. 1. §. 13. (l) Anat. l. 3. c. 19.



his & speciosa, vid. apud *Casserium* (a) & *Glandorpium* (b) ad quos brevitatis ergò B. L. relegamus.

§. VI.

Cartilagines septem *Lindenius* (c) in theatrum producit, tres nempe laterales, unam mediam, duas in alarum oris, duas constituentes columnam. *Riolanus*, (d) *Baubinus*, (e) *Spigelius*, (f) *Diemerbrækius*, (g) ut & exorians Helvetiæ Sol *Muraltus* (h) quinque numerant, tres inferiores, & duas superiores. Inferiores duæ sunt laterales, inter respirandum mobiles, & septum five diaphragma quod immobile est; superiores sunt cartilagines postremæ in infimâ narium parte positæ, & ossibus adnatæ. Usus Cartilaginum erat, ne adeo fragilis foret nasus, sed occurrentium duriorum impetui cedere posset.

§. VII.

Et hæc dicta sufficiant, de structura nasi carneo-cartilagineâ, nunc Ossilaginis Divæ auxilio osseam quoque ordior.

§. VIII.

Apud Veteres equidem tantâ in reverentia demortuorum ossium fuere particulæ, ut grande nefas & morte piandum scelus fuerit, ossibus insultare demortuorum. (i) Nemo verò mihi vitio vertet, si ad DEI T.O.M. gloriam Nasi ossa in lucem produxero.

§. IX.

Dividuntur ergò illa in propria & communia. (k) Propriorum numerantur tria, duo externa lateralia, & unum

(a) l. 3. Sect. 3. c. 8. (b) de Polyp. Nar. cap. 1. p. 2. (c) Med. Physiol. l. 1. c. 12. Art. 1. §. 13. (d) Anthropol. l. 4. c. 4. (e) Anat. l. 3. c. 65. (f) de hum. corp. Fabr. l. 3. c. 2. (g) Anat. l. 3. c. 19. (h) Vade-mecum Anatomic. p. 228. (i) Id. p. 165. (k) Isbrand. de Diemerbræk Anat. l. 3. c. 19. Baubin. Anat. l. 3. c. 65.



unum internum medium, quod Nasum in duas partes dirimit. Neq; triangularia sunt hæc ossa, sed quadrangularia, alterâ parte longiorem superficiem habentia, circa initium paululum incurvata, & statim ad frontem sese erigentia. (a)

§. X.

Commune ad Nasi summam radicem os fixum hæret, quod cuneiforme dicitur, non tam quod formam æmuletur cunei, sed quod cunei ad instar reliquis ossibus sit interpositum. (b) Basilare quoq; dicitur, quia basin constituit. Hoc ad secundum usq; mensem in foetibus est cartilagineum, tertio apparent Processus pterygoidei & sic duobus constat ossibus. Quarto & reliquis mensibus secundum *Riolanum*, (c) *Lindenium*, (d) *Muraltum*, (e) & *Laurentium* (f) quatuor constat ossibus; secundum *Diemerbrœkium* tribus; (g) secundum *Excell. Kerkringium* (h) octo seu quatuor paribus: Primum sunt Processus pterygoidei; secundum principium eorum processuum, qui postea maxillam superiorem tangunt; tertium, principia ossis, quæ Sellam equinam postea constituunt, nunc officula distincta, caput majoris aciculæ æquantia, quæ celerrime in formam semilunulæ evanescent; quartum, principia ossis, qua nervi visorii transmittuntur, tunc offiçatæ binæ lineolæ. A nono mense augetur & corroboratur paulatim os, cartilagineq; minuuntur, ut in unum os IV. paria coëant. Processus habet octo, quatuor externos, quorum duo anteriores vocantur *pterygoideis* aliformes, vespertilionum alis similes

(a) Bauhinus l. m. c. Lindenius Physiolog. Med. c. 12. Art. 1. §. 11. Casserius de Nasi Fabrica Sect. I. c. 11. (b) Spigelius de hum. Corp. Fabr. l. 2. c. 8. p. 41. (c) Comment. in Galenum de Ossibus p. 795. (d) l. m. c. (e) Vade-mecum Anat. Exercit. 5. p. m. 165. (f) Anat. l. 2. c. 14. (g) Anat. l. 9. c. 7. (h) Osteogenia Fœtum c. 6.



miles, duo posteriores geminis apicibus versus styloidem protenduntur; duos præterea internos, qui parvi sunt, & sellam Equinā in se continent. De Sella Equina notandum venit illud controversiarum mare, quod movit tanta Anatomicorum multitudo, an nempe perforata sit necne? Medicorum Coriphæus *Galenus*, (a) *Lindenius*, (b) *Hofmannus*, (c) *Andreas Laurentius*, *Franciscus Putæus*, *Jacob. Sylvius* ac *Franciscus de l'Boë Sylvius* affirmativam partem tenent, & quis resistet tot armatis tantorum Auctorum opinionibus, eorumq; (uti tradunt) avtopsiæ? Sed refutavit eos *Diemerbræck*, (d) inquires: castra secutos esse *Galen*i, cumq; *Galenus* statuisset, cerebri pituitam è Ventriculis diffuere in glandulam pituitariam, (e) Sellæ impositam, per eamq; evacuari, & interea tamē nullas Vias videret, per quas pituita ex glandulis refluere possit, ad nasum & palatum, finxit & ut verisimilem sententiam proposuit, Sellam foraminulis esse præditam, quam cæteri secuti foramina hæc in Sella statuerunt, quamvis nec *Lynceis* reperiri possint oculis; neq; solus hoc statuit, sed stant ex ejus parte alii Anatomicorum multi *Vesalius*, *Columbus*, *Fallop*ius, *Val-verda*, & *Baubinus*. Ast pagellæ prius deficient, quàm ut omnia ad os cuneiforme pertinentia in his Chartarum angustiis recitem. Transeo hæc & cupido Lectori Anatomicorum de hoc osse marsupia relinquo, plena sunt controversiarum, sed jam non promendarum. Sufficiat interim indicasse, liquorem ossis cuneiformis foraminulis injectum non ad palatum immediatè ferri, sed per osseos istos mæandros, (modo majores modo minores, prout glandula pituitaria major vel minor exstiterit,) vasa sive canales continentes venarum jugu-

(a) de U. P. l. 9. c. 31. (b) Med. Physiol. c. 8. Artic. 13. §. 90. (c) Comment. in Galen. d. U. P. §. 865. (d) Anat. l. 9. c. 7. (e) de glandula pituitariā vide plurima Curiosa in Warthoni Adenograph. c. 25.



jugularium in sinus laterales expansarum principia subire, sicuti post *Cl. Schneiderum* notavit *Willisus*. (a)

§. XI.

Eo nunc & quid de osse Ethmoide notandum, digito attingo. Dicitur hoc cribriforme quia multis exilibus foraminulis est pertusum, paucis rectis, plurimis tortuosis. (b) In foetibus & pueris os cribriforme non est totum cartilaginiforme, quod *Coiterus*, (c) *Riolanus* (d) & *Lindenius* (e) putarunt; neque constat tribus partibus osseis, quod *Eyssonius* (f) affirmat, nam septum narium cavitatem discriminans nunquam in foetibus est osseum, uti nec crista Galli, nec tabula cribri instar perforata, unde nomen inditum est huic toti ossiculo; sed tota ossificatio, quæ in foetu circa hoc os oritur, spongiosis septo utring, adherentibus ossiculis quinto mense, & squamulis duabus ad oculorum orbitam constituendam concurrentibus, sexto circiter mense absolvitur; reliquæ ossis hujus partes cum sint & maneant cartilaginose, etiam multo post nati-vitatem tempore, non est quod iis Lectorem detineamus, satis enim magna est foetuum hoc in osse ab adultis distantia, quod neque crista galli, neque septum transversum narium neque immediatum odoratus instrumentum habeant ossa, sunt verba *Clariss. Kerkringii*. (g) Unicum adhuc de osse Ethmoide addo, nempe usum, is verò à plerisque triplex censeatur: Primus ut sit defensor aculeum contra aëris irruptionem in cerebrum, secundus ut serviat vacuandis mucis, tertius (addit *C. Hofmannus*) (h) ut sit *ἡχώρ* vocis, quod exemplo polypo correptorum probat, qui de naso sonant, Belgæ efferunt *dor de Neeß spreken* / Saxones Inferiores *dor de Neeß schnusen* / Nostrates *durch die Naß reden*.

(a) *Anat. Cerebr. c. 4.* (b) *Causam vide ap. Bravum de sap. & odor. differ. cap. 15.* (c) *de ossibus Infantum.* (d) *Enchirid. Anat. l. 1.* (e) *Med. Physiol. cap. 8. Art. 14. §. 93.* (f) *de ossib. Infant.* (g) *Osteog. foet. c. 7.* (h) *Comment. in Galen. de U. P. §. 446.*



**den.** Cum *Hofmanno* sentiunt multi, ex illis *Montagnana*, *Benedictus Faventinus*, *Glandorpius* (a) & *Lindemius*; (b) *Schneiderus* tamen negat. Vid. *Horstium*. (c) Quartum quoq; adjungit *Clariff. Spigelius*, (d) ut crista Galli falci substernatur, ac sinui tertio duræ meningis tutam sedem, cui connascatur donet; & quintum, ut Nasum distinguat, & sic Nasus cum cæteris sensibus duplicatum odoratus organon habeat.

### §. XII.

Ast ordinis pulsant fores quoq; processus mammillares, à figura feminarum papillas æmulante sic dicti, (e) numerantur duo, (f) albi, molles, oblongi, ad finem bulbosi, intus cavi, (g) naturæ peculiaris, cui similem in toto corpore particulam non inveneris. (h) In hominibus tenues & parvi, cerebri tamen Ventriculos attingunt, illisq; implantantur; in brutis verò multò sunt majores, præsertim annotavit in *Talpa*, animalculo illo processus mammillares cum osse cribriformi notabilis esse magnitudinis, & *Anseres* inter omnia animalia maximè pollere odoratu, ob processus mammillares longiores, *Muraltus*; (i) hinc rectè cecinit *Lucretius*:

- - - humanum longè præsentit odorem

*Romulidarum acris servator candidus anser.*

Cæterum processus hi mammillares, (in foetibus quàm adultis majores si *Riolano* (k) credimus,) è cruribus medullæ oblongatæ juxta ventriculos cerebri anteriores enati, mole sua tumidulâ anteriora versus exporriguntur, sicq; adeunt ossis cribrosi à mediâ asurgente crista Galli divisi

(a) de Polypo Narium Observ. 2. p. 56. (b) Medicinæ Physiologic. c. 8. Artic. 14. (c) Manu duct. ad Medicinam P. 1. c. 1. Sect. 1. §. 8. (d) de humani Corporis Fabrica l. 2. c. 8. (e) Diemerbrœk. Anat. l. 3. c. 8. (f) Fallop. l. 3. Observ. Anat. c. 14. Spigelius l. 7. c. 2. Glandorp. de Polyp. c. 1. (g) Casserius l. 3. sect. 1. c. 19. (h) Casserius l. m. c. (i) Vade-mecum Anat. p. 542. (k) Anthropol. l. 6. c. ult.



divisi utrunq; lacunar, ubi dum in foraminula hujus sese insinuant tutelæ gratia duræ meningis involucro obvolvuntur, tandemq; in filamenta, tubulatas narium cavernas succingenti membranæ interspersa, desinunt: eadem verò filamenta, cum in cane Venatico longè plura ac majora, quam in ullo animantium notata fuerint à *Willisio*, (a) non mirum ipsum odoris sagacitate reliqua antecellere. Nervis igitur merito accensendos puto dictos processus mammillares, *Willisium* (b) aliosq; Anatomicos, quibus fungum pro cerebro esse nequaquam dixeris, secutus, quicquid objiciant *Diemerbrœkius*, (c) *Baubin*, (d) *Riolanus*; (e) ac geminos iisdem attribuo usus: nempe, ut  $\alpha$  tus animales ad organon odoratus actuandum devehant, & serosam anteriorum cerebri ventriculorum colluviem ad nares expurgent, acres  $\Delta$  easq; odorum species, (si opus fuerit quandoq;) attemperaturam; hunc enim finem natura provida salutis magistra respexisse videtur, dum singulari cavitate, (stilum minorem admittente, & ad latus proximi ventriculi anterioris ducente, sicuti in Museo *Excell. DN. PRÆSIDIS* observare mihi licuit,) processus mammillares pervios esse voluit. Præter hoc autem modo expositum nervorum par, (quod rectissimè *Willisius* (f) primum in ordine recensuit, cui assentitur *Barbette*, (g) & subscribit *Muraltus*; (h) *Diemerbrœkius* (i) autem tertium, *Lindenius* (k) juxta vulgarem Versiculum.

*Olfacit Octavus, faciei nonus inerrat,*

Octavum constituit) duos ramulos à pari quinto *Willisii* huc mitti & in utramq; narem distribui Anatomicorum

C

indu-

(a) de nervis cap. 21. (b) l. c. (c) Anat. l. 3. c. 19. (d) l. c. (e) Anthropol. l. 4. c. 2. (f) l. m. c. (g) Anat. Pract. cap. 10. p. 229. (h) Experiment. de Capite. (i) Anat. l. 3. c. 19. (k) Med. Physiol. c. 12. Art. 2. §. 20.



industria notavit, ut facilis sic pateat consensus nares inter & palatum intercedens. Adhæc silentio prætereundum nec illud erit, in bove, caprâ, & similibus, quæ herbaceis vescuntur, longè majores esse quam in carnivoris animalibus; rationem affert *Willisus*, (a) quoniam illis ad dignoscendas herbarum multiplicium vires, magis exquisito olfactus sensu opus esse videtur.

### §. XIII.

Restat ut ductus narium excretorios alios proponam: *Primus* itaq; notante *Casserio*, (b) à cavitate illâ quæ frontis ossi insculpta superciliorum protuberantiam exterius efficit, & intus profunda ad mediam quasi frontem elevatur, ductus quidam internâ oritur parte, qui in initium ossium turbinatorum evidenter cavitatem habentium tendit. *Secundus* adest ductus ab auribus ad nares exporrectus, qui à conchâ exteriori processus petrosi incipiens, indeq; obliquè ad anterius interiusq; basis capitis latus fertur, hincq; partim cartilagineâ partim membranosa substantiâ auctus, inter duos faucium sive gulæ musculos, ulterius procedit, donec juxta radicem processus pterygoidæi interni in alteram narium cavitatem desinat, & in crassam palati tunicam inferatur, ita ut terminus hujus canalis palato & naribus communis sit: cui socios veluti canaliculos binos adjunxit *Casseri*us. (c) *Tertius* obvenit ductus nerveus lacrymalis dicendus, qui punctis lacrymalibus continuus à foramine ossi proximo insculpto anteriora versus egreditur, nec procul à narium extremo in ovibus, vitulisve, manifesto foramine terminatur: Et hos quidem ductus narium communes denominare posses, per quos cerebrum, aures, oculive fluidum quoddam aqueum vel lymphaticum naribus trans-

(a) l. m. c. (b) l. 3. Sect. 1. c. 18. (c) l. 3. Sect. 1. c. 6.



transmittunt. Nunc verò inquirenda sunt vasa narium excretoria propria, in ipsâ narium tunicâ orta, quæ à *Clariss. Stenonio*, (horum, nec non modo propositi ductus tertii, principe observatore,) duorum recensentur generum: Breviora alia, alia longiora. Breviora ex glandulis tunicæ nares intus succingentis dimittuntur ostiolis exiguis, nec nisi per humoris expressi guttulas dignoscendis, atq; humorem, ab arteriolarum ramulis secretum, in membranam pituitariam *Cl. Schneideri* anteriorem, exstillant: Longiora canaliculorum lymphaticorum nomen merentia, bina occurrunt, (in utroq; nasi latere unum,) quæ in tunica narium internâ, supra molarium dentium regionem, ex rivulis à glandulis ibi præsentibus prorumpentibus minimis, in unum alveum confluentibus, principio sumto, sub ductu nerveo lacrymali ascendunt, & anteriora versus reflexa, circa extrema demum narium, quo loco suprâ reliquam planitiem cartilago exsurgit, in sinum intra cartilaginosa alarum protuberantiam obvium se exonerant, atq; prout descripta sunt in ovillo capite sese conspicienda præbent, in vitulino autem non æque se produnt, notante *Excellentiss. DN. PRÆSIDE*, tametsi narium ossa cautè effringantur, nec in homine eadem *Stenonio* unquam visa sunt.

#### §. XIV.

Jam verò humidum, quod prædicta Vasa naribus affundunt, cum eo, quod per processum mammillarium cavum amandatur, idem videtur obire munus: Sed inquires, humidum quodvis odoratui obsistere, sicq; organon impedire, cum artis Medicæ antesignanus *Hippocrates* (a) scripserit: Καὶ ὅταν μὲν ξηρὰ ἢ τὰ χεῖλα τῆς ῥινὸς, ὁσμήσῃ τῇ ξηροτέρῳ αὐτὸς (ὁ ἐγκέφαλος) αὐτῶν ἀκραιτέρως ἐστίν:



ubi quidem cavitas nasi sicca fuerit, ipsum seipſo exactius arida olfacere, & paulò poſt, ἐνόταν ὃ ὑγρὰνθεωσιν αἱ ῥῖνες, & δύναται ὁσφραίνεσθαι, quum verò nares humectæ fuerint, olfacere non poſſunt? Veriſſima, fateor, ſcripſiſſe Hippocratem, ſi humidum immoderatum aut viſcoſius nares non irrigans, aſt obruens, innuerit; ſi autem ſimpliciter verba Hippocratis interpretari velles, experientiæ bellum indicendum foret, quâ conſtat, canes odoris ſagacitate laudatiſſimos, nares habere perpetuo humidas; ne dicam, humiditatem omnino hîc videri neceſſariam, ut internam narium tunicam ab exſiccatione ac corrugatione alioquin metuendam, defendat, halitibusque odoriferis ad nervorum poros viam pandat faciliorẽ. Interea ſalutis provida magiſtra optime naribus proſpexit, ne humidi ex collectione copia nimia iisdem impedimentum afferret, dum viam paravit illum à naribus ad palatum deducentem, tranſitum ſcil. brevem non canalis ſed foraminis nomine exprimendum, à *Stenonio* (a) optime deſcriptum.

(a) Obſervat. de narium Vaſis.

## CAPVT TERTIVM.

### *Narium Lamellæ, offeiq; Tubuli.*

#### S. I.

**M**Iror hîc Anatomicorum turbam (cùm in minoribus etiam humani corporis indagandis alioquin occupati eſſe ſoleant) tam notabiles Naſi partes fugitivo tranſiiſſe oculò, ita ut præter *Julium Caſſerium Placentinum*, (a) *Nicol. Stenonem*, (b) & *Caspar. Bartholinum*, *Thomæ filium*, (c) vix unus aut alter tam veterum quam recen-

(a) l. 3. c. 16. Sect. 1. (b) in hiſtor. piſc. ex canum genere dilecti, annexum Myolog. Specim. p. 141. & 142. (c) In Diſp. peculiari de olfactus organo Haſn. hab. An. 1679. d. 26. Febr. & Georg. Nicol. Secrup.



recentiorum eas attigerit, multo miuus accurate descriptas tradiderit.

§. II.

Sistam igitur illas Tibi B. L. descriptas, prout monstrante *Excellentissimo DN. PRÆSIDE* in ovillo capite conspectum meum subierunt: Hic vero si nares cautè, juxta sitū septi intermedii intus à medio palato incipiendo, cultri acie diviseris, dorsumq; supra effrègeris, sub offe ethmoidæo lamellas quamplurimas conspicias osseas, mox juxta has è latere osseo enatos tubulos majores, seu turbinata ossa *Casserio (a)* dicta deprehendes, sibi invicem imposita, atque in gyros minores circumvoluta; qualia numero tria in homine etiam describit *Casseri*us: Primum non procul ab offe Ethmoidæo exortum, alterum similem originē nactum, paulò vero ad interiora progressum sejunctum, tertium sumto suprà ossa palati principio ita demissum, ut inter ossa palati parum interstitii relinquat, minus excavatum.

§. III.

*Cass. Bartholinus (b)* in cane Venatico exquisitissimi sensus, inextricabilem & plane innumerabilem lamellarū progerminationem ac circumvolutionem invenit: lamella enim primò bifida semel atq; iterū utrinq; circumvoluta erat, deinde à superficie ejus superiore exurgebant sex aliæ lamellæ, quarum nonnullæ bifidæ etiam erant, sed omnes itidem in figuram semicircularem curvabantur, iterumq; plures lamellas emittebant, quarum quælibet inextricabilem numerum aliarum lamellarum exhibebat, ut impossibile esset earum numerum inire & figurâ exprimere.



## §. IV.

Id vero porro notatu dignum videtur, turbinata ossa, quæ ex narium parietibus cavitatem genarum internè sepientibus enascuntur, primum tenuia statim crassescere, (date hujus vocis veniam Anatomizanti Ciceroni-animanes) & formam turbinis assumere, undiq; libera, nec nisi à principio suo deorsum pendentia; undique cavernosa, & minimis pertusa foraminulis quasi spongiosa existere; *Excellentissimus Dn. PRÆSES*, in tunica illa ipsa ossa succingente, recto & sibi invicem perpendiculari ductu, exiles, sed numerosissimos vasorum sanguineorum à carotidibus & jugularibus externis propagatorum rivulos, curiosè mihi demonstravit; juxta hos dein fibras conspeximus albicantes, pressamq; leniter tunicam per infinitos poros mucaginem reddidisse, ex glandulis interspersis, sive carne papillosa *Diemerbröckii* (a) promanantem.

## §. V.

Sequitur nunc usus, quem natura tubulis hisce intendisse videtur: *Casseri* (b) putat illos factos esse, ut suo calore aërem, nempe ingredientem, præparent, ejusq; dum appellit, impetum frangant: At rem acu non tangit, propius ad veritatem collimat fulgidum Philuræe si-dus *Excell. Bohnius*, dum has narium labyrinthicas cavernas, tubulosq; [uti vocat] (c) mirifice fictos atque dispositos, plurimum ad odorandi organon formale conferre existimat, quatenus non saltem ab exteriori & latiore hi-atu interius & versus os cribriforme magis magisq; angustantur, hinc corpuscula odora magis cogunt & compingunt, ut spissior horum ad nervos olfactorios appul-sus

(a) Anat. l. 3. c. 8. (b) de Nasi fabrica l. 3. Sect. 3. c. 16. (c) Disput. Physiolog. 19. §. 13.



sus contingat; sed quatenus eædem cavernæ ut totidem quasi remoræ ac recessus exhalationibus odoriferis colligendis atque cumulandis inserviunt. *Steno* (a) cùm in pisce ex canum genere dissecto, observasset nervea filamenta in tunicam narium à processibus mamillaribus diffusa, & hæmisphærium membranofum planum tenuissimis lamellis itidem membranosis; hinc patere ait, quâ ratione sibi ubiq; similis natura, per hæc membranulas, idem in hoc pisce præstare voluit, quod in nobis aliisve animantibus plurimis efficit, numerosas spongiorum ossium lamellas, membranis involvendo: Scil. quo facilius per ambiens fluidum diffusa corpuscula sensum istius partis afficerent, lamellarum numero id efficit, ut in exiguo spatio magna superficiei sit extensio, adeoq; receptum eò spatiò fluidum, varieq; inter lamellas divisum magnam corporis superficiem contingat; at quò major est superficies, quæ ambiente contingitur, eò plura ambientis corpuscula simul in illam partem agere possunt.

(a) l. m. c.

## CAPVT QVARTVM.

### *Odoratus sensus descriptio.*

#### §. I.

**L**Iceat ulterius progredi & odoratus sensum in scenam producere: Hic verò in hominibus non tantum, quantum in brutis præstat, Φάυλος γὰρ ἀνθρώπου αἰσμάται teste *Aristotele*; (a) cujus quidem causæ multæ & elegantes proferuntur à multis: Philosophus connatam organi odoratus in nobis imperfectionem accusat, cui sen-

(a) l. 2. de Anima c. 9. r. 92.



sententiæ Viri *πολλὰν ἀντ'ἀξιοι ἄλλων* subscribunt; quos inter *Casserium* (a) *Johannem Bravum* (b) eruditum quidem illum, licet parum politum Medicum Salmanticensem, (c) tum *Willisum* (d) & *Bohnum* (e) nominasse sufficiat, horum vero postremi duo experientiâ edocti scite affirmant, in brutis non tantum ruminantibus, sed cane etiam, fele, lepore &c. processus mamillares longe ampliores ac in homine observari. *Illustrissimus Comes ac Dominus Kenelmus Digby* (f) odoratum in homine debiliorem pronunciat, propter crassiores fortioresq; vapores è ventriculo mensâq; perpetuò ferè ortos, quorum occasione fuliginibus nares obsidentur, ut effluvia extus advenientia dignosci nequeant; οὐκ ἔστιν ἄλλος est *Morbofius* (g) *ingens Wismariae Patriæ suæ lumen p. t. Kilionensis Prof. Clariss.* rationibus certis persuasus, præcipue desumptis à canibus minore narium sagacitate pollentibus, dum largiori pastu saginantur, jacentq; in culina ubi nidores undiq; hauriunt, quam cum in latibulò suò clausis parcus aptusq; venaturis cibus præbetur; Hûc facit etiam ulterius exemplum Johannis illius Leodiensis, qui cum diu in Sylvis vixisset glandibus & radicibus pastus, milites fugiens feraces, tanta polluit facultate, ut cibos odoratu explorare, homines ac Venatores distinguere, eorumq; insidias eludere potuerit, inde vero ad lautiorem cibum reversus, mirandam narium sagacitatem penitus amisit, vid. *Digby*. (h) Quid? quod Pythagoræ, Zenoni, cæteræque Philosophorum antiquorum turbæ, ex aquarum bibitione & olerum deglutitione non tantum ingenium auctum evenisse creditum sit, sed odoratus etiam atque sen-

(a) de Nasi Fabric. l. 3. Sect. 2. c. 4. (b) de saporum & odorum differentiis c. 12. (c) ex Judicio Illustriss. Digby Tract. de Nat. Corpor. c. 28. p. 317. (d) de Anima Brutorum p. 1. c. 13. (e) Disp. Physiolog. 19 §. 6. 7. (f) Tract. de natura Corporum c. 28. (g) Disp. de Sensuum paradoxis c. 5. (h) l. m. c.



sensuum tam externorum quam internorum defæcationum vigor; tametsi alioquin distichon sequens in ore omnium circumferatur:

*Hauriat anser aquam, dentur bona vina Poëtis,  
Pessima describit carmina potor aquæ.*

*Joh. Clauberg. (a) & Cl. Bechmannus (b)* Philosophi acutissimi, olfactum in homine hebetiorem suspicantur, ob cerebri humiditatem, quemadmodum notum sub aquis olfactum aut nullum, aut obscurionem esse, & catarrho laborantes sæpius nil olfacere. Ego vero *Aristotelis Willisii* atque *Bohnii* effato calculum meum addo, cum *Willisio (c)* porro animadvertens, olfactus sensum propterea emicare in brutis, ut cum ratione destituantur, illo solo judice alimenta congrua & salubria ad distans internoscere, & à noxiis ac incongruis discernere, sed & hoc modo victum absentem vel in abstruso positum venari, facillimeq; investigare queant.

§. II.

Sed memorem mihi nunc quis vellicat aurem, ut odoratum describam, id autem optimè præstabo, si verbis *Hippocratis nostri Latini, Nobilissimi, Amplissimi, Excellentissimi, atq; Experientissimi DN. MAURICII HOFFMANNI, Senioris, Med. D. hujusq; in hac Noricorum Prof. Publ. Primar. Celeber. Potentiss. Elect. & Sereniss. March. Brandenb. Archiatri Spectatissimi, Patroni & Præceptoris ad aram usq; de venerandi, (d)* dixerim: olfactum sive olfactionem non esse aëris odori ad nares attractionem, sed ejusdem à nervulis ossi cribriformi proximis perceptionem.

§. III.

Attractionem equidem aëris (aut si mavis impulsum)  
D ut plu-

(a) Theoria corpor. vivent. §. 892. (b) Syst. Phys. l. 6. Part. Spec. c. 6. Axiom. 2.  
(c) de Anima Brutorum l. 1. c. 13. (d) Synopsis. Instit. Anat. Disp. xx. th. 1.



ut plurimum in respirantibus concurrere, nemo negaverit, quemadmodum eam probare allaborarunt *Baubin*, (a) *Anton. l' Grand*, (b) *Diemerbroeckius*, (c) *Swammerdam*, (d) *Gualterus Needham*, (e) qui ulterius confirmaturus odoratui inservire vapores cum impetu per nares in inspiratione attractos, provocat ad experimentum *Loweri*; is vero arteriam asperam cani in jugulo præscindere solet, eamq; vulnere cætera sanato extrorsum vertere, ut non per os & nares, sed prorsus per guttur spiret, tuncque non vocem solum, sed & olfactum penitus amitti, neque teterrimis odoribus canem excitari posse deprehendit.

#### §. IV.

Firmo nihilominus stat talo, odori aëris attractionem proximè non efficere odoratum, sed receptionem; hinc etiam est, quod foeminæ uteri strangulatione detentæ, tametsi omni quoad sensum respiratione destitutæ fuerint, odoribus ad vitam revocentur, vid. *Casseri* (f) *Bohnius*, (g) hosq; optimè sentiant, ita ut accurate moneat *Vir Nobilissimus Excellentissimus atq; Experientissimus DN. JAC. PANCRA. BRVNO, Phil. & Med. D. hujusq; in hac Palæcome Prof. Publ. Celebratiss. Fautor & Præceptor jugiter honorandus*, (h) ne frequentius fragrantibus utatur rebus medicus, non tantum ob rationem quam *Lud. Septalius* (i) notavit, nimirum, ne morbi inde concitentur, sæpe enim moschum & similia redolentes hystericas mulieres enecant; sed etiam ob hanc, quod nimia fragrantia impedimento possit esse, ne alieni odores v. g. conclavis, ægroti ipsius, sudoris, urinæ &c. recte possint observari, è qui-

(a) *Anat.* l. 3. c. 66. p. 465. (b) *Instit. Philos.* Part. 8. Artic. 14. (c) *Anat.* l. 3. c. 19. (d) *de Respiratione* c. 1. §. 4. (e) *de Format. fœt.* c. 6. p. 189. (f) *de Nasi Fabr.* l. 3. Sect. 2. c. 2. (g) *Disp. Physiol.* 19. §. 11. (h) *Dogmat. Med. General.* part. 3. c. 1. §. 8. (i) *in Anim.* l. 1. §. 7.



è quibus tamen perfectiorem noticiam cognoscendorum  
& agendorum liceret adipisci.

§. V.

Et quis quæso dubitaverit, cum aër elasticâ sua vi in  
minimos etiam penetret poros, ipsum cum primis ab o-  
doriferis tenuium partium Sulphureo- $\Theta$ linis volatilibus  
& -tuosis particulis excitatum, patulos narium tubulos  
ingredi, sensoriumq; attingere? ut adeo inspirationis ope  
aër solum copiosior impulsus, internum odoratus orga-  
non potentior attingere videatur.

## CAPVT QVINTVM.

### *De Odoratus Organo.*

§. I.

**N**unc Hannibal ad portas! non tot in ejus timendo  
exercitu capita, quot hic ferme partes dissentientes.  
Hoc asserit modo unus, modo negat & alter, plena du-  
biorum sunt Anatomicorum scripta, plena rixarum, & ca-  
lami eorum adhuc pruriunt.

§. II.

*Aristoteles* (a) τὸ πρὸ τοῦ ἐγκέφαλου τόπον τὸ τῆς ὀσφρη-  
σεως αἰσθητήριον ἐστὶν ἰδίον, circa cerebrum loco odoratus  
proximum sensorium est, ait, cum odor fumosa evapo-  
ratio existat; rursus alibi (b) ipsum cerebrum odoratus  
organon constituere videtur, ita enim scribit: odor ad  
cerebrum penetrans movere solet sensationem; nunc verò  
Nasum (c) olfactus instrumentum facit, ut adeo merito  
eum *alter artis Medicæ antesignanus Galenus* (d) reprehен-  
derit, quod cum orationis alias & eloquentiæ Parens fuis-

D 2

set,

(a) de Sensu & Sensil. c. 2. (b) Probl. Sect. 13. Probl. 5. (c) l. 1. Histor. Animal.  
c. 11. (d) libr. de Olfact. Instrum. c. 5.



set, sententiam suam de olfactus organo adeò obscure proposuerit, ut quid senserit, vaticinandum sit.

§. III.

Sed *Galenum* quod attinet, is peculiari suscepta opera pro declarando odoratus instrumento, ab initio equidem, sicuti vulgus credit, nasum ratione primi odorabilium ingressus (a) eo nomine compellari posse docet, quandoquidem, si occlusis naribus <sup>2</sup>um ore adducamus, odorem nullum sentimus; mox verò (b) cerebri ventriculos anteriores proprium olfactus organon determinat.

§. IV.

Processus mamillares loco ventriculorum ponunt, *Casseri*us, (c) *Laurentius*, (d) *Baubinus*, (e) *Bravus*, (f) *Nößlerus* (g) hujus quondam Universitatis, nunc lucidum coeli fidus, *Cæsar Cremoninus*, (h) [qui eos sub mammillarum quarundam carnearum nomine intelligere videtur] *Sebizius*, (i) *Bechmannus*, (k) & plures alii.

§. V.

*Willisius*, Anglus curiosissimus, (l) odoratus proximum organon quærit in membranis tubulatis & fibris sensilibus his densissime intertextis; cui quoad fibras assentit ejus popularis *Anton' Grand*, (m) qui eas à basi cerebri ad nervos propagatas esse vult, ante *Willisium* autem simpliciter membranam naribus obductam, primicerii Medicorum *Rolfincius* (n) & *Schneiderus*, (o) citante & assen-

---

(a) Libr. cit. c. 1. (b) libr. cit. c. 4. vid. Idem l. 8. de Usu part. c. 6. l. 3. de loc. affect. c. 10. (c) de Nasi Fabr. lib. 3. Sect. 2. c. 17. (d) Anat. l. 11. qu. 12. (e) Anat. l. 3. c. 66. (f) de Saporum & odorum differentiis cap. 15. (g) Disp. de Sensibus externis th. 45. (h) de Sensib. extern. lect. 15. p. 76. (i) Exercit. Med. 22. th. 6. (k) Syst. Phys. l. 6. part. spec. c. 6. §. 13. 14. (l) de Anim. Brutor. c. 15. & Nervorum descript. & usu c. 21. (m) Instit. Phil. p. 8. Art. 14. (n) de Osse cribriformi. (o) Dissert. Anat. l. 4. c. 29.



fentiente *Mœbio*, (a) odoratus instrumentum esse pronuntiaverunt.

§. VI.

Jam quis mirabitur, inter tot contentionum turbas & turmas me ancipitem hærere, quò me vertam? Licit tamen animi mei sensa proferre, meliora monituro semper promptè obtemperatura. Et primum quidem Cerebrum juxta *Aristotelem* genuinum odoratus organon minime constituendum puto, quia Cerebrum sensorium est commune, uti rectè ratiocinatur *Sebizius* (b) & *Eustach. Rudius*; (c) neque nasum externum, utpote qui instrumentum odores tantum deferens vel colligens habetur, eoque abscisso odoratus aliquantum perstat; neque ventriculos cerebri anteriores, utpote qui ignobiliori muneri serofarum sc. humiditatum collectioni vacant, neque distinctè & proximè odores percipere possunt.

§. VII.

Existimo autem principale odoratus organon esse fibrillas nerveas, à processibus mammillaribus ad tunicam tubulata ossa & lamellas involventem dimissas, respondentes papillis linguæ nerveis, cutis pyramidalibus, acusticis per labyrinthos gyros, & opticis per tunicam retinam expansis.

(a) Instit. Med. c. 4. p. 17. (b) Exercit. Med. 22. th. 4. (c) de Human. Corpor. Affectib. l. 1. c. 36.

CAPVT SEXTVM.

*De Objecto Odoratus sive Odoribus.*

§. I.

**O**bjectum odoratus constituunt odores, quos describo effluvia tenuia & rosea, à corporibus odoriferis



dimissa, hinc cum aëre naribus oblata, ibidemq; præsens principale organon hoc illôve modô moventia.

### §. II.

Tenuia esse vel inde constare poterit, quòd ad tam distans spatium se cum aëre diffundere, & intra aliorum corporum poros promptè insinuare soleant: Ita namque odor quem Insula Zeilandia cinamomi-ferax spirat præternavigantibus per aëris multorum milliarium tractum apportatur, sicuti rerum Orientalium Scriptores testantur; similiter affirmat illustris *Digbæus*, (a) cum Parisiis vixisset Oleum Tartari p. d. à *Dn. Ferrier* acceptum, Rosarum tunc florentium odorem imbibisse, quasi Sal Tartari cum Rosarum solutum fuisset. Huc pertinent exempla bina, quæ narrat *Theod. Kerkringius*, (b) alterum de rustico, qui fistulâ laborabat in humero, & dum cæpas ore masticabat, statim earum per fistulam efflabatur odor; alterum de Chirurghi uxore, quæ cum puero mammas præberet, ipsaque quod ventris doloribus torqueretur puer, & Vini anisato uteretur, percepit flatus ab infante emissos anisum redoluisse.

### §. III.

Jam verò cujus naturæ hæc sint ratione originis effluvia, meritò in quæstionem venit: Aristoteles illa in tali elementorum mixtione collocavit, ubi calidum & siccum prædominetur, vid. *Casserium*, (c) *Mercurialem*, (d) *Bravum*, (e) & *Bechmannum*; (f) sed objicit inter recentiores *Jacobus Robaultus*, (g) si ex eâ miscelâ, inquiens, odor fieret, cum hæc tactui se offerat, excitare deberet in omnibus locis, qui illi organi vice sunt, sensationem quæ ill

(a) In Theatr. Sympathet. (b) Spicileg. Anat. Observ. I §. (c) de Fabr. Nas. l. 2. Sect. 2. c. 8. (d) de Decoratione c. 30. p. 336. (e) de Saporum & odorum different. c. 17. (f) Syst. Phys. l. 6. part. spec. c. 6. (g) Tract. Phys. part. c. 25. p. 242.



illi esset similis, ideoque manibus odorare deberemus æquè ac naribus, quod experientiæ contrarium.

§. IV.

Chemici à principio Sulphureo odores dependere dicunt, quibus consentit *Clariss. Mœbius*, (a) id verò quoniam rarò solitarium occurrit,  $\Theta$ linum etiam in confortium venire suspicor, hinc cum *Cl. Wedelio* (b) & *Muralto* (c) Sulphur principium odorum radicale,  $\Theta$ l verò inprimis volatile explicativum statuens.

§. V.

Corpora igitur ubi prædicta bina principia rariori texturæ sunt inclusa, nec terreâ aut quapiam fixiori compage detenta, aut  $\nabla$  eis nimium immersa, ut aër calore adjutus atterendo vel solvendo atomos decerpere vel elicere possit, promptè odorem de se spargunt: contrario autem modo se habentia e. g. dura nullum per se odoris sensum excitant, si verò  $\Delta$ i admota comburantur, aut etiam inter se atterantur, odora evadunt, quandoquidem mutuo illo affrictu aliquæ earum partium foras erumpunt, & per medium diffunduntur, (d) ut adeò *Cardanus* (e) eo forsan sensu quoq; intelligendus sit, quando aurum, metallorum solidissimum, exiguum bonum odorem spirare scripsit, quemadmodum in nupero Collegio Chemico privato *Excellentissimus DN. PRÆSES* annotavit, (f) *Virum Celeberrimum Olaum Borrichium*, (g) ex *Cl. Abasvero Payske* Medico Regio audivisse, ipsum cum foliorum auri purissimi unciam dimidiam cum salivâ propriâ totis 14. diebus in mortario vitreo subegisset, & in nigram massam redeegisset, odorem Sulphuris inde percepisse.

§. VI. Sed

(a) Instit. Med. l. I. c. 4. (b) Theor. Medicin. Part. I. Sect. 5. §. 30. (c) Vademecum Anat. Exerc. II. §. 5. (d) Ant. l' Grand Inst. Philosoph. Part. 7. Art. 15. (e) de Subtilit. c. 6. (f) ad processum 99. (g) in Hermetis sapientiâ vindicatâ p. 415.



## §. VI.

Sed agitur adhuc controversia, an effluvia odorifera sint corporea, an verò spiritualiter quasi odores ad olfactus deferantur organon? Posteriores mordicus tenere recentiorum nonnulli, quos inter *Excell.* etiam *Sennertus*, (a) sed rationes quas afferunt Sibyllæ quasi folia sunt, flatuq; rationis saniorum Medicorum & Philosophorum cito citius dispelluntur. Evolve, si certior fieri amas, quæ docent, incomparabile Lipsicum decus *Excell. Bohnius*, (b) Venator hodie Cartesianæ Philosophiæ maximus, *Ant. l' Grand*, (c) *Joh. Bravus*, (d) *Mæbius*, (e) *Cæsar Cremoninus*, (f) & innumeri alii.

## §. VII.

Ceterum insignis gustum inter & odoratum, odores & sapores, intercedit convenientia, (si eam excipias differentiam, quòd gustus crassiores admittat particulas, easque inter primariò Æinas ab humido salivæ menstruo solutas,) ut, quæ naribus ingrata, linguæ fastidium procreent, & in coryzâ aliisq; afflictionibus, communem sentiant læsionem gustus & odoratus: inde etiam est, quòd non rarò sensuum horum nomina confundantur, quod de popularibus suis Anglus *Digbæus*, (g) & de Belgis *Francisc. de l' Boë Sylvius* annotavit; (h) Quid? quòd etiam à Germanis sæpius usurpatur *Schmecken* pro *Riechen* / eine *Schmecken* pro *Riechen*: *Büschel*: supra laudatus *Sylvius* causam refert in organorum propinquitatem, partim etiam quod in faucibus cuncta communicent; *Clarissimus* verò *Willisius*, (i) causam conjicit in ramos duos à pari quinto ad nares amandatos; quam rationem  
ceu

(a) Instit. Med. lib. I. c. 12. (b) Exercit. Physiol. 19. §. 5. seq. (c) l. m. c. (d) de Sap. & odor. diff. c. 12. (e) Instit. Med. c. 4. (f) de Odor. Lect. 17. (g) de Natura Corporum c. 27. §. 6. (h) de Medendi Method. l. I. c. 7. §. 8. (i) de Nervis cap. 21.



ceū accuratissimam amplector. Jam verò cū inter se sic conveniant sapes & odores, generaliter quoque distinguuntur uti sapes ita odores, in gratos & ingratos.

§. VIII.

Gratus odor est, cujus particulæ narium membranas & processuum mammillarium filamenta jucundè & suaviter feriunt, & animalia confortant, recreant, instaurant; & talem odorem ut plurimum fundunt Sulphure puriore &  $\Theta$ e Volatili abundantia subjecta.

§. IX.

Ingratus odor est, cujus particulæ organo & animalibus vel à naturâ vel ab aliquâ impressione adversæ sunt, ita ut stomachum evertere, ac animi deliquium aliaq; symptomata introducere soleant. Vid. *Anton. le Grand*, (a) *Muraltum*, (b) *Rohaultum*, (c) & *Claubergium*. (d) Ejusmodi odorem præbent subjecta, quæ Sulphure impuriori aut adustionem passo constant, aut quando laxato mixtionis vinculo ex iis Sulphur cum  $\Theta$ is aliquâ portione avolare incipit.

(a) Instit. Phil. Part. 8. Art. 14. (b) Vade-mecum Anat. Exerc. II. §. 5. (c) Tract. Phys. Part. I. c. 25. §. 11. (d) Theor. Vivent. th. 90.

CAPVT SEPTIMVM.

*De Medio Aëre quid ad Odoratum conferat.*

§. I.

**A**B omnibus fere aër odoratus medium constituitur, & verè quoq; est. Aër enim aptissimum est ad diffusionem odorum medium. Nam aër halitum odoriferum vehit; & licet magna ejus pars per oris patuli canalum in asperam arteriam descendat, reliqua tamen mo-

E

tum



tum rectum affectans, nares subit, & in ipsum olfactus organon impingitur: Hæc vero tamdiu sentitur, quamdiu suo contactu à fibrillis nerveis membranæ tubulatæ percipitur; sentiri autem desinit, cum expiratur, & per nares foras regreditur.

## §. II.

Prout igitur aër ratione motus comparatus, & ratione (a) substantiæ deducendis effluviis odoriferis magis vel minus aptus fuerit, odorum ad organon proprium translationem, vel accelerabit, vel retardabit, nisi prava organi dispositio obicem posuerit.

## §. III.

Præter aërem odoris medium nonnulli insuper faciunt  $\nabla am$ , [quorum rationes hîc prolixè discutere haud licet,] quare ut paucis multa complectar *Pringle* Clariss. *Mœbii* proponam, eidem me applicaturus: *Alii*, [is inquit,] (b) addunt  $\nabla am$ , argumento desumpto à piscibus, quod odoribus escarum alliciantur. Verum dubitare aliquis posset, annon potius escam sapore, mediantibus vaporibus  $\nabla a$  communicatis percipiant, quam odore. Sit autem quod odore percipiant; sed tunc  $\nabla a$  olfactus medium erit piscibus non homini.

## §. IV.

Hoc etiam addo & velut auctarium huic Capiti constituo, aërem non tantum odoribus naribus adducendis inservire, sed etiam muco inde per fauces depellendo utilem esse. Vid. *Swammerdamium*. (c)

CAPVT

(a) Vid. Cl. Bohnium Phys. Disp. 19. (b) Vid. Cl. Mœbium Instit. c. 4. (c) de Respiratione Sect. I, c. I. §. 4.



## CAPVT OCTAVUM.

*De singulari sensus odoratus præstantiâ in nonnullis hominibus, & vi atq; efficaciâ odorum in Corpus humanum variâ.*

### §. I.

**B**Ruta equidem animantia, odoratus facultate homines ut plurimum superare, supra fassi sumus, & stupenda, quæ de canibus narrat *Rob. Boyle (a)* confirmant; at vero ut inter hos quospiam emunctæ naris repertos constet, odoratus sagacitate cum illis certantes, sequentia exempla proposuisse juvabit. Primi autem mihi ex memoriâ in calamum defluunt Choræi, de quibus mentio fit Geneseos 36, v. 20. (die Horiter) qui memorantur olfactu explorasse terram; iis addere licebit Arabem illum, de quo ex Bavâ Batrâ recenset *Nobilissimus & Excellentissimus noster Wagenseilius*, (b) ipsum per desertum iter facientem admotâ naribus gleba dixisse: hæc via ad hanc urbem, ista ad istam producit. Quæsitum quam procul ab aquâ abessent, glebâ iterum naribus pertentatâ, respondisse, octo milliaribus. Cum processissent aliquandiu, iterum rogatum, tria milliaria indicasse: cumque glebam clam ablatam novâ commutassent, decipi tamen eum non potuisse, in priore responso perseverantē. Sed quia Rabbæ narrationibus cum aliis eruditis parum fidit, insuper aliud exemplum affert m. c. *Excellentissimus noster Wagenseilius*, (c) ex Petro Vallæo Viro nobilitatis & peregrinationum laude conspicuo, qui eadem ferè, de nautis, (uti vocat,) terrestribus, asserit. Huc & illi spectant Insularum Antillarum Æthiopes, qui odoratu tam

E 2

sub-

(a) de natura determinatâ effluviis. (b) in Sotâ Excerpt. Gemar. c. 9. Annot. 13. p. 1028. (c) Ibid. p. 1164.



subtili præditi, ut vestigia etiam Æthiopis alicujus, & Galli discernere potuerint, modo locum illum Viæ olfecerint, quâ inceserunt; recensente *Excell. Morbosio*. (a) Naturales Vires superasse videtur exemplum, quod *Ada* habent *Hafniensia*, (b) de Anu, quæ intuens filium viduæ cujusdam honestæ, sanum, naribus auram captans, toto octiduo funus ejus præodorata est. Et hæc de hominibus; quibus dispari licet consortio, (dum hîc demum in mentem mihi venit,) liceat adjungere, quæ de Vulturibus refert *Thomas*, illos per quinquaginta millia passuum exquisito odoris sensu cadaveris præsentiam indagare posse; & lepidam Campanellæ narrationem de fungis in Bisnienensi territorio nascentibus, qui moschum olentes, si quis ventrem exoneraverit, in loco ubi nascuntur, fugere, ac paulo distantius nasci dicuntur. vid. *Excell. Morbosium*. (c) De quibus duobus exemplis fides tamen sit penes Autores.

## §. II.

Nunc enim ordo ad vim atque efficaciam, quam odores in corpus humanum exferunt, declarandam me vocat. Sunt qui corpus odoribus nutriri & pasci afferunt, rem exemplis comprobantes: Ita namq; accolæ fontis Gangis odore pomorum sylvestrium vixisse *Solinus* (d) memoriæ prodidit, quemadmodum alium aëre solo & sole *Rhodingius*. (e) Democritum Abderitanum Philosophum, annos 109. natum, ternis diebus vitam fugientem, solo panis calidi olfactu, remoratum esse, *Diogenes Laërtius* (f) author est, sic de eô ludens in Pammetro versibus Latinitate donatis:

Quis-

(a) Disp. de Sensuum paradoxis c. 8. (b) Ann. 1. Observ. 117. (c) de Sensuum Parad. c. 1. (d) in Polyhist. c. 52. (e) l. 24. c. 21. (f) libr. 9. de Vitis Philosoph. vid. Martinum Kergerum de Fermentatione Sect. 3. c. 2. p. 218.



*Quisnam tam sapiens visus qui tale patravit  
Unquam, quale sciens omnia Democritus?  
Qui per tres tenuit præsentia fata, dies &  
Illa recens cocti panis odore aluit.*

Enimvero nutritionem per odores factam *ἀνεῖς* lo-  
quendo tale nomen mereri, negant adductis rationibus  
*Jonstonus* (a) *Morhofius* (b) & *Posnerus*, (c) ut adeò refe-  
ctionem quandam propter reparatam fluidi Volatilis &  
▽ ei jacturam, meliori jure dicere posses.

§. III.

Cæterum novum aut insolitum non est, odoribus  
quospiam inebriari, siquidē *Alexander ab Alexandro* (d)  
Thraces testatur epulantes foco accumbere, herbarum  
femine ignibus injecto, hujusq; nidore captos ebrios imi-  
tari, & tanquam vino affectos temulentos jacere. Baby-  
lonios etiam incenso arborum fructu & fumo hausto ita  
ebrios reddi, ut tripudiis & cantibus exultent, idemque  
imitari Scythas, alioquin hydropotas, quotiescunque  
ebrietatis voluptatem requirant. Et si quis fidem dene-  
gare nobis vellet, testimonio suo nobis præstò erunt To-  
bacophili & recentes insanientis herbæ hujus Candidati,  
(quam America coepit nostro orbi mittere, quasi dees-  
sent nobis instrumenta dementiæ, ut dixisse fertur, *im-  
mortalis post funera Gloriæ Vir Herm. Conringius*), qui ejus  
fumo naribus capto titubare solent. Ita Rostochii Bel-  
gam novi Studiosum ex odore Vini citius quam alii ex  
potu ad ebrietatem redactum; idem in aliis factum te-  
statur *Schottus*. (e)

§. IV.

Notatu porrò dignum est odoratu purgari quosdam,  
E 3 de

(a) *Thyamatograph. Class. 10. Art. 2.* (b) l. c. c. 4. (c) de Alimentorum verâ  
indole. §. 2. (d) *Genial. diæ. l. 3. c. 11.* (e) *Phys. Curios. l. 3. c. 33. §. 4.*



de quo Purgationis modo vide *Excell. Francum*, (a) qui plurima hac de re collegit exempla: Sic namq; D. Pfeil/*Medicus Lipsiensis*, quoties purgare corpus vellet, Pharmacopolia ingressus, quando purgantia recens parabantur, & illa olfecit tantum; deinde domum reversus, intra eam se continuit. Nobilis Virgo Anna Riederiana Dessæ ad Sororis Dorotheæ ex poculo purgante bibentis lectum propius accedens atq; adstans, odorem Medicamenti percepit, atq; inde sufficienter purgabatur, imò felicior ac ipsa Soror. (b) Vid. plura alia exempla apud *M. Donatum*, (c) *J. N. Binningerum*, (d) *Panarolum*, (e) *Schenkium*, (f) *Erastum*, (g) & *Smetium*. (h)

### §. V.

Vim adhæc medicam corroborantem, uti loquuntur, obtinere odores, exinde facile patebit, quia pulegii cum pipere in aceto decocti odor naribus admissus apoplecticos reficit; (i) Mus  $\ominus$ is \*ci in vitro angusti orificii naribus admotus, epileptico paroxysmo correptos sublevat; (k) infantes eodem malo tentatos Xyloaloë accensa excitat; catarrho suffocativo suppressos, fumus ex mastiche, thure, succinô, tacamahacâ nonnihil liberat; (l) hystericâ passione detentas feminas, plumarum crematarum, solearum combustarum, assæ fætidæ, aliorumq; foetidorum odor relevat, quemadmodum suaviter olentia virilis sexus homines syncopticos, grato reficere odore notissimum puto.

### §. VI.

Nec vero noxâ destituuntur odores, dum corporibus qui-

(a) Satyr. Med. Contin. 2. (3.) (b) Salmuth Centur. 3. Observ. 14. (c) l. 6. H. M. c. 3. (d) Cent. 2. Observ. 86. p. 228. (e) Pentecost. observ. 28. (f) in observat. (g) c. 60. de occultis Pharmacis. (h) Miscell. p. 113. & 163. (i) Nicol. Chesneau in Prax. (k) Fr. de le Boë Sylvius Prax. Med. lib. I. c. 19. §. 73. (l) Hartmann, in Prax. Chimiaticæ



quibus vel naturâ, vel consuetudine, vel peculiari dispositione adversantur, occurrunt. Pharmacopœus Nicopienſis Christophorus Heerſart à nimio Camphoræ odoratu, olfactum amiſit, teſte *Bartholino*. (a) Ex roſarum odore, (uti ſæpius feminæ,) quidem animo linquebat, notante *Amato Luſitano*; (b) idem perpeſſum eſt Fr. Venerius, Venetorum Dux, referente *Zwingero*. (c) Ruſticus Antverpianus, qui cum in myropolium diverſiſſet, deliquio animi cœpit periclitari, ſimo verò equino admoto naribus, revocatus eſt, quod ex *Lemnio*, (d) reſert *Jonſtonus*. (e) Piſcator Senex, qui ſpectans Luſitaniæ Regis in urbem quandam introitum, concidit, poſtea verò, ab Archiatri Regis, (qui cognovit, illum ex aromatum in plateis, propter frondes fragrantès, & ſuffimenta copioſiora, odore fortiori in malum hoc incidiſſe,) adhibito conſilio, ut æger denuò ad littus apponeretur, & algâ limoq; cooperiretur, brevi tempore ſanitati priſtinæ fuit reſtitutus, de quod vid. *Zacut. Luſitanus*. (f) Moſchi, ambræ, aliorumq; ſvaveolentium odore hyſtericas lædi, experientiæ ſuffragio comprobatum eſt, quia tunc ex mente *Williſi* (g) ſpiritus animales demulcentur, reſolvuntur, & ad explodendum parati in ulteriores inordinationes provocantur. In Anglia verò feminam lucernæ extinctæ ſuffitu partum nondum maturum miſſiſſe, nec ſine vitæ discrimine enixam eſſe, recenſet *Anton. le Grand*. (h)

## §. VII.

Tandem ſingularis Caſus eſt, quem habet *Amatus Luſi-*

(a) Hiſtor. Anat. rariorum Cent. 4. Hiſt. 91. (b) Cent. 2. Curat. 36. (c) Theatr. Vit. human. Volum. 2. l. 5. p. 421. (d) l. 2. occult. qual. c. 9. (e) Thavmatogr. Cl. 10. cap. 7. Art. 3. (f) Prax. admirab. l. 3. obſerv. 99. (g) de morbis convulſivis c. 10. (h) Hiſtor. Natur. Part. 9. Art. 3. p. 440.



*Lusitanus* (a) de Agasone quodam Pisaurensi, qui super duabus croci sarcinulis dormiens eâdem nocte obiit.

### §. VIII.

Sed

### Hic TERMINVS ESTO!

Potuissem equidem plura præsentî inferere opellæ, nisi metuisssem eandem mole sua fastidium daturam esse. Interea si quæpiam in eâ minus Tibi B. L. arrident, cogita voluntatem placendi Tibi non defuisse, si facultas defuerit, & crede *Martiali*, (b)

*Non cuicunq; datum est habere Nasum.*

Materiæ gravitas, Autorum discrepantes hinc inde sententiæ repertu dantur, ut bonus *Homerus* hîc etiam dormitet, nedum ego artis difficillimæ *Tyro*. Doctiora de nasi statu præter-naturali venientibus dabimus annis, si *DEVS*, & vita, & vires permiserint. Antequam autem ultimam imponam manum, liceat *Physicorum* adhuc ingredi castra, & illic paululum immorari, Thematisq; pertractandi jam olim suscepti *Sciagraphiam* loco

## COROLLARI

proponere, & asserere

### LVNAM ESSE ALTERAM TERRAM,

tum quoad

- I. *Suam opacitatem, quam confirmant ejus incrementa & decrementsa, defectusq; luculæ in Eclipsibus alias conspicuæ. vid. Affelmannus, (c) Claubergius, (d) Wittichius, (e) Excell. noster Sturmîus, (f) Fautor & Præceptor*

(a) In *Dioscor. c. de croco.* (b) l. i. *Epigr.* 42. (c) *Disp. de Creat. th.* §. (d) *Disp. Phys.* 28. §. 1. & 7. (e) *Consensu veritatis cum fide* §. 504. & 523. (f) In *Synops. Special. Physic. Mstæ. Sect. 2. §. 3. Tabb. Astron. Part. Spec. Tab. 3.*



ceptor ad tumulum usq; colendus, Greydanus, (a) Cartesius, (b) Sweling, (c) Prætorius, (d) Placentinus, (e) Excell. Weigelius, (f) & Kippingius. (g) Negant tamen & aliquam De congenitam Lucem attribuunt Schookius, (h) Stierius, (i) Hartnack / (k) Conimbricenses, (l) Gorlæus, (m) Magyrus, (n) & alii innumeri. Terram verò lucere ut Dam demonstrant Greydanus, (o) Excell. noster Sturmius, (p) Galilæus Galilæi. (q)

I. Lumen mutuatitium tam primarium, quod omnes ferè De & Terræ tribuunt, quam secundarium. Vid. Excell. noster Sturmius, (r) Wittich, (s) Vitalis, (t) Mæsthlinus, (u) Keplerus, (v) Placentinus, (x) Treiberus, (y) Weigelius, (z) Acta Anglicana, (aa) Ephemerid. Erudit. (bb) Galilæus Galilæi. (cc)

II. Phases. Vid. Excell. Sturmius, (dd) Excell. Weigelius, (ee) Gallilæus Gallilæi. (ff)

V. Dierum noctiumq; vicissitudinem. Vid. Excell. Sturmius. (gg)

F

V. Ecli-

a) Phys. lib. 2. c. 6. (b) P. III. Princ. Phil. §. II. (c) Disp. de Sensibus. (d) Metem. Phys. Disp. 12. th. 16. (e) Cartes. Triumphant. (f) Fortsetzung des Himmels Spiels Geoscop. Gelenit. c. 4. Phæn. 3. & c. 5. (g) Phys. l. 3. c. 5. §. 15. (h) Cent. rar. Probl. Hist. Med. Phys. Probl. 90. (i) Phys. part. Spec. quæst. 8. (k) In seiner Sternkundigung p. m. 53. (l) lib. 2. de cælo cap. 7. quæst. 4. (m) Ide. Phys. c. 6. §. 5. (n) Commentar. ad suam Physic. c. 6. p. m. 156. (o) Phys. l. 2. c. 6. (p) Colleg. quodam Physic. Msto Dispnt. 2. de Mundanorum Corporum different. §. 12. & Tabb. Astron. IV. (q) System. Cosmic. p. 84. (r) Tabb. Astron. 4. (s) Consens. Verit. cum Fid. §. 526. (t) Lexic. Mathem. Tit. Terra. (u) Disp. de Eclips. §. 21. 22. 23. (v) Astron. Part. Optic. c. 6. §. 10. (x) Cartes. triumph. (y) Epit. Astron. Part. Spec. c. 4. (z) Fortsetzung des Himmels Spiegels c. 2. (aa) Mens. Dec. 1665. in speculationibus Dn. Auzonti. (bb) p. 145. (cc) Syst. Cosm. p. 87. (dd) Tab. Astron. 3. & 4. & Colleg. Phys. Disp. Msto Disp. 7. §. 1. 2. 3. (ee) Syst. Cosm. p. 80. (ff) Geoscop. Selenit. Part. 2. c. 2. (gg) Phys. Mstæ parte Spec. Sect. 3. c. 1. n. 2. & Colleg. Phys. Mst. Disp. 8. §. 10. 11.



- V. *Eclipses.* *Vid. Excell.* Sturmius, (a) Pfauzius, (b) Vitalis. (c)
- VI. *Partium heterogeneitatem.* *Vid. Excell.* Weigelius, (d) Excell. Sturmius, (e) Galilæus Galilæi, (f) Francisci. (g)
- VII. *Asperitatem.* *Vid. Excell.* Sturmius, (h) Wittichium, (i) Hevelium, (k) Ricciolum, (l) Galilæum Galilæi, (m) Francisci. (n)
- VIII. *Corruptibilitatem.* *Vid.* Pegelium, (o) Reinholdum, (p) Keplerum, (q) Ant. le Grand, (r) Greydanum, (s) Bassecour, (t) Galilæum Galilæi, (u) Francisci. (v)
- IX. *Figuram.* *Vid. Excell.* Sturmius, (x) & alios innumeros, quos pagina non capit.
- X. *Motum.* *Vid. Excell.* Sturmius, (y) Raei. (z)
- XI. *Magnetismum.* *Vid. Excell.* Sturmius. (aa)
- XII. *Habitabilitatem.* *Vid.* Keplerum, (bb) & Wittichium. (cc)
- XIII. *Deniq, quoad Influxum reciprocum.* *Vid. Excell.* Sturmius. (dd)

## SVFFICIAT.

De

- (a) Colleg. Phys. Mst. Disp. 7. §. 6. 7. seq. (b) Disp. de Eclipsi Terræ. (c) Lexic. Mathematic. Tit. Eclipsis. (d) Geoscop. Selen. p. 1. c. 7. Phœn. 4. (e) Tabb. Astron. 3. & 4. (f) Syst. Cosm. p. 86. (g) Eröffneten Lust-Haus der Ober- und Unter-Welt / p. 398. (h) Tabb. Astron. 3. & 4. (i) Theol. Pacif. p. 51. (k) Selenogr. c. 6. p. 148. (l) Almagest. nov. l. 4. c. 2. (m) Syst. Cosmice p. 91. & Nunc fides p. 10. (n) Eröffneten Lust-Haus der Ober- und Unter-Welt p. 439. & 441. (o) Aphorism. Philos. p. 152. (p) super Theor. Purbachii p. 164. (q) Astron. Part. Optic. c. 6. (r) Instit. Philosoph. p. 403. & 411. (s) Phys. p. 109. (t) contra Schüler. (u) Syst. Cosm. p. 79. (v) Lust-Haus der Ober- und Unter-Welt p. 104. (x) Tabb. Astron. 3. & 4. (y) Ibid. (z) de Origine motus p. 64. (aa) Disp. de Corporum magnetismo & Tract. Msto de occultis qualitatibus c. 6. §. 2. (bb) Astron. Part. Optic. c. 6. (cc) Theol. Pacif. c. 7. Art. 60. p. 52. (dd) Tabb. Astron. 3. & 4.





**D**E Naso tractas? Medicus felicior haud est,  
quàm status & morbi, caussaq; cui subolet,  
ac uti pellatur. Crispis si naribus ausus  
hos laceret rictus forsitan invidiæ;  
extollet contra, quisquis non naris obestæ est,  
pectore & ex æquo spiritus inde means.  
Nec Patrem de te, nec te suspendet adunco  
naso spes, tuus ac improbus ille labor.

Commensali & amico suavissimo

L. M. Q. scripsit.

*JOHANNES SAVBERTVS, D.*

**W**ie jene / welche die Natur und Kunst verstehen /  
von diesem Wunderglied des Hauptes zeigen an /  
weiß ich zwar nicht. Jedoch soviel ich sonst kan sehen /  
wie seltsam es auch scheint / ist es sehr wol gethan /  
wann in Galenus Schul vor andern wird betrachtet  
der Nasen Eigenschafft / des Schöpfers Meisterstück.  
Um so viel fleißiger ein treuer Arzt es achtet /  
ob seinem Kranken schier der Odem bleib zurück /  
und er frisch oder sacht denselbigen aufblase:  
Ob rein sey oder böß / ja gar mit Gifft beklebt /  
und Pestilenz / die Luft / die man schöpft durch die Nase /  
die / sonder welche nicht lebt was auff Erden lebt.  
Und wann das matte Herz den letzten Stoß soll leiden;  
tritt auff der Medikus / streicht seinen Balsamsafft  
zun Nasenlöchern ein / hemmt Leibs und Seelen scheiden /  
belebt den Sterbenden dadurch mit neuer Krafft.  
Ej nun so fahret fort / Zer: Lochner! ihr sollt stehen  
im Purpur bald / den man nur Grundgelährten gibt /  
nicht Storchern / die so keck den Leuten Nasen drehen.  
Indessen preiß diß Werk wer ichtens Blumen liebt.

*C. S. M. A. G.*

**L**OCHNERE emunctæ naris, nunc mente sagaci  
Nares rimare, & tubulos quos dædala finxit

Ille



Illa manus genitrix rerum, doctæq; catervæ  
 Supra bruta proba Tibi surgere naris acumen:  
 Humanum quanquam longè præsentit odorem,  
 Romulidarum acris servator candidus anser,  
 Turba canumq; feras subitas lætatur odore,  
 Olfactus LOCHNERE Tui est vis major, odoras  
 Quas habeant intus positas animantia nares.  
 Plus LOCHNERE ultra Tibi proderit, auguror, olim  
 Talis odor, laudesq; Tuæ trans æthera scandent.

Ira

Clariss. DN. AUTORI RESPONSURO,

invitâ propter occupationes

Minervâ, mente tamen

amicâ

L. M. Q.

applaudebatur

PRÆSES.

**L** Audantur meritò, quæis fortia facta virorum  
 est volupe & curâ sapientum volvere scripta;  
 Hos homines dignos imprimis laude putamus,  
 priscorum qui dant operam monumenta relicta  
 discere. Vita est mors, si non sapientia pectus  
 muniat, aut animum generosis artibus ornet.  
 Quod studiò LOCHNERE probò perpendis Amande  
 Qui colis & Pbœbi clariq; Machaonis artem,  
 qua fuit Illustris Pæon Podalyrius atq;  
 Chiron Hippocrates, quid dico ast nomine cunctos,  
 ars quibus hæc, insigne decus nomenq; paravit.  
 Perge igitur florum, lapidumq; inquirere vires,  
 corporis humani partes nec cernere cessa,  
 & quicquid tellus intra sua viscera celat,  
 conferet hocq; TIBI laudem, post funera famam.

Hæc pauca, multo tamen affectu scribebant  
 Clarissimi nec non Doctissimi Domini hu-  
 jus Disputationis Autoris ac Respondentis

Convictores.